

Nr 12628 Prot

16.06.17

Ujësjetës Kanalizime Tiranë sh.a
Pasqyrat financiare të konsoliduara më dhe për vitin e mbyllur më 31 dhjetor 2016
Së bashku me Raportin e Audituesit të pavarur

PËRMBAJTJA

	FAQE
PASQYRAT FINANCIARE :	
RAPORTI I AUDITUESIT TË PAVARUR	1
PASQYRA E KONSOLIDUAR POZICIONIT FINANCIAR	5
PASQYRA E KONSOLIDUAR E FITIMIT OSE HUMBJES DHE TË TË ARDHURAVE GJITHPËRFSHIRËSE	6
PASQYRA E KONSOLIDUAR E NDRYSHIMEVE NË KAPITAL	7
PASQYRA E KONSOLIDUAR E FLUKSEVE TË MJETEVE MONETARE	8
SHËNIME MBI PASQYRAT FINANCIARE TË KONSOLIDUARA	9-43

RAPORTI I AUDITUESIT TË PAVARUR

Për Aksionarët dhe Drejtuesit e Shoqërisë Ujësjetllës Kanalizime Tiranë Sh.a.

Opinion me Rezervë

Ne kemi audituar pasqyrat financiare të konsoliduara të Shoqërisë Ujësjetllës Kanalizime Tiranë Sh.a. (më poshtë "Shoqëria"), të cilat përfshijnë pasqyrën e konsoliduar të pozicionit financiar më datën 31 Dhjetor 2016, pasqyrën e konsoliduar të performancës dhe të ardhurave të tjera gjithëpërfshirëse, pasqyrën e konsoliduar të fluksit të mjeteve monetare dhe pasqyrën e konsoliduar të ndryshimeve në kapital për vitin e mbyllur në këtë datë, si edhe shënimet për pasqyrat e konsoliduara financiare, përfshirë një përmbledhje të politikave kontabël më të rëndësishme.

Sipas opinionit tonë, me përjashtim të efekteve të çështjes të përshkruara në paragrafin e bazës për opinionin me rezervë, pasqyrat e konsoliduara financiare bashkëlidhur paraqesin drejt, në të gjitha aspektet materiale, pozicionin financiar të Shoqërisë më datën 31 Dhjetor 2016, performancën e saj financiare dhe flukset e parasë për vitin që mbyllet në këtë datë, në përputhje me Standardet Ndërkombëtare të Kontabilitetit.

Bazat për Opinion me Rezervë

Arsyet e mëposhtëme janë bazat për dhënien e opinionit me rezervë:

1. Sikurse është paraqitur në shënimin 7, 'aktive afatgjata jomateriale', pasqyra e konsoliduar e pozicionit financiar të Grupit përfshin emrin e mirë për vlerën neto prej 717,064 mijë lekë, të njohur nga përthithja e njësisë HEC Lanabregas Sh.a. Ashtu sikurse përshkruhet në shënimet shpjeguese, shënimin 4.4, Grupi njej humbje nga rënia në vlerë e emrit të mirë mbi baza të llogaritjeve fiskale. Një njësi e cila ka njohur emër të mirë në një kombinim biznesi, duhet ta testojë emrin e mirë për zhvlerësim çdo vit, për të mbështetur masën e rënies në vlerë të regjistruar për emrin e mirë, ashtu sic parashikohet në SNK 36. Rrjedhimisht, në mungesë të një testi të zhvlerësimit të emrit të mirë, ne nuk jemi në gjendje të përcaktojmë nëse rregullime për emrin e mirë janë të nevojshme më 31 dhjetor 2016 dhe më 31 Dhjetor 2015 dhe efektet që mund të shkaktohen në pasqyrën e konsoliduar të të ardhurave gjithëpërfshirëse dhe pasqyrën e konsoliduar të ndryshimit të kapitalit.
2. Sikurse është paraqitur në shënimin 6, 'aktive afatgjata materiale', pasqyra e konsoliduar e pozicionit financiar të Grupit përfshin, aktive në proces me vlerë 1,026,003 mijë lekë të mbartura nga periudhat e mëparshme për punime të kryera nga nënkontraktorë të Drejtorisë së Përgjithshme të Ujësjetllës Kanalizime (DPUK). Pavarësisht dokumentacionit të vendosur në dispozicion nga Shoqëria për gjendjen e aktiveve në proces më 31 dhjetor 2016 dhe 2015 ky informacion është i pamjaftueshëm për të siguruar një evidencë në lidhje me balancat e aktiveve në proces në pasqyrat financiare të konsoliduara. Si rrjedhojë, ne nuk jemi në gjendje të përcaktojmë nëse rregullime për aktivet në proces janë të nevojshme më 31 dhjetor 2016.
3. Sikurse është paraqitur në shënimin 6, 'aktivet afatgjata materiale', pasqyra e konsoliduar e pozicionit financiar të Grupit, përfshin, aktivin 'toka' në vlerë 2,155,486 mijë lekë, të mbartura nga periudhat e mëparshme bazuar në raportin e vlerësimit me datë 27 mars 2014, të kryer nga vlerësues të jashtëm. Raporti i vlerësimit nuk referon dhe nuk qartëson metoden e aplikuar për vlerësimin e aktivit 'toka'. Ne nuk mund të përcaktojmë nëse një rregullim i mundshëm në lidhje me vlerësimin e aktivit tokë sic parashikohet në SNK 16 mund të ketë efekt në pasqyrën e konsoliduar të pozicionit financiar të Grupit më 31 dhjetor 2016 dhe 2015.

4. Ne nuk ishim kontraktuar si auditues të Grupit në datën 31 dhjetor 2016 dhe si rrjedhojë nuk morëm pjesë në numërimin e inventarit fizik të realizuar nga shoqëria në mbyllje të vitit ushtrimor. Me gjithë procedurat e tjera alternative të kryera për të verifikuar ekzistencën dhe saktësinë e këtij inventari, ne nuk ishim në gjendje të krijojmë siguri të arsyeshme për vlerën e paraqitur në pasqyrën e konsoliduar të pozicionit financiar të Grupit për shumat 472,874 mijë lekë në datën 31 dhjetor 2016 dhe 378,142 mijë lekë në datën 31 dhjetor 2015. Gjithashtu, ne nuk mundëm të siguroheshim nëpërmjet evidencës së duhur dhe të mjaftueshme në lidhje me gjendjen e inventarit dhe zhvlerësimin e tij. Për këtë arsye, ne nuk mund të përcaktojmë nëse ndonjë rregullim mund të ketë qenë i nevojshëm në lidhje me gjendjen e inventarit dhe efektet që mund të shkaktohen në pasqyrën e konsoliduar të të ardhurave gjithëpërfshirëse dhe pasqyrën e konsoliduar të ndryshimit të kapitalit.
5. Pasqyra e konsoliduar e pozicionit financiar të Grupit përmban llogari të arkëtueshme në vlerë neto 2,905,018 mijë lekë. Sikurse paraqitet në shënimin 9 të pasqyrave financiare të konsoliduara, Shoqëria mëmë UKT Sh.a. ka kryer një cmuarje për zhvlerësimin për llogaritë e arkëtueshme bazuar mbi përqindje të paracaktuara mbi 4 klasa të riskut në bazë të numrit të faturave të papaguara për cdo kategori klientësh. Metodologjia e përdorur nuk përfshin ndonjë analizë mbështetëse për të justifikuar masën e përqindjeve të përdorura për provigjionimin e llogarive të arkëtueshme.

Për më tepër, metodologjia e aplikuar nuk është në përputhje me kërkesat e Standardit Ndërkombëtar të Kontabilitetit 39, i cili kërkon vlerësim individual për balancat e arkëtueshme individualisht të rëndësishme dhe vlerësim kolektiv për balancat e tjera bazuar në analizë të plotë mbështetëse mbi të dhëna historike. Si rrjedhojë, në mungesë të prodhimit të një metodologjia e cila është në përputhje me kërkesat e Standardit Ndërkombëtar të Kontabilitetit 39, Instrumentat Financiar; njohja dhe matja' nuk jemi në gjendje të përcaktojmë nëse janë të nevojshme rregullime për gjendjet e llogarive të arkëtueshme më 31 dhjetor 2016 dhe 2015.

6. Sikurse është pasqyruar në shënimin shpjegues 14 "Huamarrje afatshkurtra" të pasqyrave financiare të konsoliduara të Grupit më 31 dhjetor 2016 dhe 2015, gjëndja e detyrimeve të Grupit ndaj Ministrisë së Financave është respektivisht 1,553,605 mijë lekë dhe 1,408,797 mijë lekë. Grupi nuk ka kryer vlerësimin e detyrimit ndaj Ministrisë së Financave duke përdorur kursin e fundvitit sipas kërkesave të Standardit Ndërkombëtarë të Kontabilitetit 21 "Efektet e ndryshimit në kurset e këmbimit". Për më tepër, Grupi nuk ka kryer njohjen me vlerën e drejtë në ditën e parë të marrjes së huave si dhe nuk ka aplikuar më pas metodën e kostos së amortizuar mbi huatë e marra. Si rrjedhojë, ne nuk mund të përcaktojmë nëse ndonjë rregullim është i nevojshëm në lidhje me detyrimet e huave dhe elementët që përbëjnë pasqyrën e konsoliduar të të ardhurave përmbledhëse, pasqyrën e konsoliduar të ndryshimeve në capital dhe pasqyrën e konsoliduar të flukseve të parasë më 31 dhjetor 2016 dhe 2015.
7. Sikurse është pasqyruar në shënimin shpjegues 15 të pasqyrave financiare të konsoliduara të Grupit më 31 dhjetor 2016 dhe 2015, gjëndja e granteve qeveritare të shoqërisë është respektivisht 479,651 mijë lekë dhe 494,102 mijë lekë. Pavarësisht dokumentacionit të vendosur në dispozicion nga Shoqëria për gjendjen e granteve qeveritare më 31 dhjetor 2016 dhe 2015 ky informacion është i pamjaftueshëm për të siguruar një evidencë në lidhje me balancat e granteve qeveritare në pasqyrat financiare të konsoliduara. Si rrjedhojë, ne nuk mund të marrim siguri lidhur me vlefshmërinë dhe plotësinë e gjëndjes së granteve qeveritare më 31 dhjetor 2016 dhe 2015.

Ne e kryem auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku jepen Përgjegjësitë e Audituesit për Pasqyrat Financiare. Ne jemi të pavarur nga Shoqëria në përputhje me kërkesat etike që janë të zbatueshme për auditimin e pasqyrave financiare në Shqipëri dhe kemi përmbushur përgjegjësitë e tjera etike në përputhje me këto kërkesa. Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.

Përgjegjësitë e Drejtimit dhe të Personave të Ngarkuar me Qeverisjen në lidhje me Pasqyrat Financiare

Drejtimi është përgjegjës për përgatitjen dhe paraqitjen e drejtë të pasqyrave financiare në përputhje me Standardet Kombëtare të Kontabilitetit të përmirësuara, dhe për ato kontrole të brendshme që drejtimi i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Në përgatitjen e pasqyrave financiare, drejtimi është përgjegjës për vlerësimin e aftësisë së Shoqërisë për të vazhduar aktivitetin e saj në bazë të parimit të vijimësisë, shënimet shpjeguese, si edhe për çështjet që lidhen me vazhdimësinë e aktivitetit të shoqërisë, duke përdorur parimet bazë të vazhdimësisë, përveç rastit kur drejtimi ka për qëllim të likuidojë aktivitetin, ose të ndërpresë aktivitetin operacional, ose nuk ka asnjë alternativë tjetër reale përveçse më lart.

Palët e ngarkuara me qeverisjen janë përgjegjëse për mbikëqyrjen e procesit të raportimit financiar të Shoqërisë.

Përgjegjësitë e Audituesit për Auditimin e Pasqyrave Financiare

Objektivat tona janë që të arrijmë një siguri të arsyeshme lidhur me faktin nëse pasqyrat financiare në tërësi nuk kanë anomali materiale, për shkak të mashtrimit apo gabimit, dhe të lëshojmë një raport auditimi që përfshin opinionin tonë. Siguria e arsyeshme është një siguri e nivelit të lartë, por nuk është një garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston. Anomali mund të vijë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme të influencojnë vendimet ekonomike të përdoruesve të marra bazuar në këto pasqyra financiare.

Si pjesë e auditimit në përputhje me SNA-të, ne ushtrojmë gjykimin dhe skepticizmin tonë profesional gjatë gjithë periudhës së auditimit. Gjithashtu ne:

- Identifikojmë dhe vlerësojmë rrezikun e anomalive materiale në pasqyrat financiare, si pasojë e mashtrimeve apo gabimeve, planifikojmë dhe zbatojmë procedurat përkatëse për zbutjen e këtyre rreziqeve, si edhe marrim evidencë të mjaftueshme dhe të përshtatshme për të krijuar një bazë për opinionin tonë. Rreziku i moszbulimit të një anomalie si pasojë e mashtrimit është më i lartë se rreziku i moszbulimit të një anomalie si pasojë e gabimit, për shkak se, mashtrimi mund të përfshijë fshehje të informacionit, falsifikim të informacionit, përvetësime të qëllimshme, keqinterpretime, apo shkelje të kontrollit të brendshëm.
- Marrim një kuptueshmëri të atyre kontroleve të brendshme relevante për procesin e auditimit me qëllim hartimin e procedurave të auditimit në përputhje me rrethanat, por jo për të shprehur një opinion mbi efektivitetin e kontroleve të brendshme.
- Vlerësojmë përshtatshmërinë e politikave kontabël të përdorura dhe arsyeshmërinë e çmuarjeve kontabël të kryera si edhe paraqitjen në shënimet shpjeguese përkatëse të bëra nga Drejtimi.
- Shprehemi në lidhje me përshtatshmërinë e parimit të vijimësisë, bazuar në evidencat e marra gjatë auditimit, mbi ekzistencën e një pasigurie materiale mbi aftësinë e Shoqërisë për të vazhduar në vijimësi aktivitetin e saj. Nëse një pasiguri materiale ekziston, ne duhet të tërheqim vëmendjen në shënimin shpjegues përkatës, nëpërmjet raportit tonë të auditimit, ose nëse shënimet shpjeguese nuk janë të përshtatshme ne duhet të modifikojmë opinionin tonë. Përfundimet tona jepen mbi bazën e evidencës së auditimit të marrë deri më datën e raportit të auditimit. Megjithatë, ngjarjet ose kushtet në të ardhmen mund të shkaktojnë ndërprerje të aftësisë së Shoqërisë për vijimësi.
- Vlerësojmë paraqitjen, strukturën dhe përmbajtjen e pasqyrave financiare dhe të shënimeve shpjeguese dhe në rast se ato përfaqësojnë drejt transaksionet dhe ngjarjet.





DIANA YLLI (GOLEMI)

Rr. EMIN DURAKU PALL. BINJAKET, No.5 TIRANE

IRENA HOXHA (PULO)

Rr. EMIN DURAKU PALL BINJAKET, No.5 TIRANE

SOKOL TOSKA

Rr. TISH DASHA, KOMPLEKSI KIRA 2, KULLA 2, TIRANE

Ne komunikojmë me personat të ngarkuar për qeverisjen e Shoqërisë, përveçse çështjeve të tjera, edhe objektin dhe kohën e planifikuar të auditimit, gjetjet kryesore të auditimit, përfshirë çdo mangësi relevante në kontrollin e brendshëm të identifikuar gjatë auditimit tonë.

Tiranë, 16 qershor 2017

Diana Ylli (Golemi)
Auditues Ligjor

Irena Pulò (Hoxha)
Auditues Ligjor

Sokol Toska
Auditues Ligjor

MAZARS

Rr. Emin Duraku Pall "Binjaket",
No.5, 1000, Tirana, Albania
phone : +355 42 27 80 15
www.mazars.al , info@mazars.al



Ujësjetllës Kanalizime Tiranë sh.a

(Vlerat janë në mijë Lek)

Pasqyra e konsoliduar e Pozicionit Financiar
Më 31 dhjetor 2016

	Shënime	31 dhjetor 2016 mijë lek	31 dhjetor 2015 mijë lek
AKTIVE			
Aktivët afatgjatë			
Aktivët afatgjatë material	6	13,735,775	12,702,649
Aktivët afatgjatë jomateriale	7	717,064	956,084
Totali i aktiveve afatgjatë		14,452,839	13,658,733
Aktivët afatshkurtra			
Inventarë	8	472,874	378,142
Llogari të arkëtueshme tregtare	9	2,905,018	2,716,829
Aktive tatimore të shtyra		1,251	-
Llogari të tjera të arkëtueshme		9,094	8,697
Parapagimet dhe shpenzimet e shtyra	10	99,089	-
Mjetet monetare në arkë e në bankë	11	290,959	396,917
Totali i aktiveve afatshkurtra		3,778,285	3,500,585
Totali i aktiveve		18,231,124	17,159,318
KAPITALI			
Kapitali themeltar	12	2,544,398	2,544,398
Rezerva nga rivlerësimi		3,219,601	3,219,601
Rezerva ligjore		81,098	79,746
Rezerva statutore		3,681	3,681
Rezerve të tjera		729	729
Fitime të mbartura		1,315,400	809,399
Fitimi i ushtrimit		639,625	533,045
Totali i kapitalit		7,804,532	7,190,599
DETYRIMET			
Detyrime afatgjatë			
Hua afatgjatë	13	5,436,854	5,188,890
Detyrime të tjera (Tatim i shtyrë)		-	671
Grante, të ardhura të shtyra e të tjera detyrime	15	479,651	494,102
Totali i detyrimeve afatgjatë		5,916,505	5,683,663
Detyrime afatshkurtra			
Hua afatshkurtra	14	1,553,605	1,408,797
Llogari të pagueshme tregtare	16	2,717,582	2,599,551
Detyrime ndaj personelit	17	52,945	86,594
Detyrime tatimore/ Detyrime ndaj Shtetit dhe ISSH	18	41,471	189,850
Të tjera të pagueshme	19	119	264
Provizione	20	144,364	-
Totali i detyrimeve afatshkurtra		4,510,087	4,285,056
Totali i detyrimeve		10,426,592	9,968,719
Totali i kapitalit dhe detyrimeve		18,231,124	17,159,318

Pasqyra e konsoliduar e Fitim ose Humbjes dhe të të ardhurave gjithpërfshirëse
Për vitin e mbyllur më 31 dhjetor 2016

	Shënime	31 dhjetor 2016 mijë lek	31 dhjetor 2015 mijë lek
Të ardhurat			
Të ardhura nga aktiviteti i shfrytëzimit	21	3,108,845	2,798,357
Të ardhura të tjera	22	99,731	143,161
Total të ardhura		3,208,576	2,941,518
Shpenzimet operative			
Shpenzimet e prodhimit	23	(780,430)	(924,153)
Shpenzime zhvlerësimi dhe amortizimi	6	(279,285)	(269,562)
Renia ne vlere e Emrit te mire	7	(239,021)	(260,753)
Rimarrje/(Shpenzime) provizione llogari te arketushme	9	56,439	170,678
Rimarrje (Shpenzime) provizione te tjera		1,498	3,178
Shpenzimet e pergjithshme dhe administrative	24	(230,081)	(139,286)
Shpenzime personeli	25	(805,529)	(869,097)
Total shpenzime Operative		(2,276,409)	(2,288,995)
Te ardhurat /shpenzime financiare			
Te Ardhurat financiare	26	1,259	275
Shpenzimet financiare	26	(88,423)	(114,876)
Provizioni	20	(140,417)	-
Fitim (humbje) nga kembimit valutore	27	61,063	88,180
Të ardhura / Shpenzime te tejra Financiare		(166,518)	(26,421)
Fitimi/humbja para tatimit		765,649	626,102
Shpenzimi aktual i tatimit mbi fitimin	28	(126,024)	(93,057)
Fitimi/humbja e vitit		639,625.27	533,045.00
Të ardhurave të tjera gjithpërfshirëse për vitin		-	-
Totali i të ardhurave gjithpërfshirëse për vitin		639,625	533,045

Pasqyrat financiare të konsoliduara duhet të lexohen së bashku me shënimet shpjeguese të faqeve 9 - 43, të cilat janë pjesë përbërëse e këtyre pasqyrave financiare të konsoliduara.

Ujësjetillës Kanalizime Tiranë sh.a

(Vlerat janë në mijë Lek)

Pasqyra e konsoliduar ndryshimeve në Kapital
Për vitin e mbyllur më 31 dhjetor 2016

	Kapitali Aksioner	Rezerva Ligjore	Rezerva te tjera	Rezerva Statutore	Rezerva te Rivleresimit te Aktiveve	Fitimi i Pashperndare	Rezultati i vitit	TOTALI
Gjendja me 1 janar 2015	2,544,398	79,746	729	3,681	3,219,601	809,399		6,656,825
Shtesa nga HEC Rezultati i vitit							533,045	729 533,045
Gjendja me 31 dhjetor 2015	2,544,398	79,746	729	3,681	3,219,601	809,399	533,045	7,190,599
Gjendja me 1 janar 2016	2,544,398	79,746	729	3,681	3,219,601	809,399		7,190,599
Shtesa nga HEC								
Rezultati mbartur nga 2015		1,352				506,001	(507,353)	-
Divident							(25,692)	(25,692)
Rezultati i vitit							639,625	639,625
Gjendja me 31 dhjetor 2016	2,544,398	81,098	729	3,681	3,219,601	1,315,400	639,625	7,804,532

Pasqyrat financiare të konsoliduara duhet të lexohen së bashku me shënimet shpjeguese të faqeve 9 – 43, të cilat janë pjesë përbërëse e këtyre pasqyrave financiare të konsoliduara.

Pasqyrat financiare së bashku me shënimet shpjeguese për vitin ushtrimor të mbyllur më 31 dhjetor 2016 u aprovuan nga Menaxhimi i shoqërisë më _____ dhe u nënshkruan si më poshtë:



Z. Redi Molla
Drejtor i Përgjithshëm

Znj. Ajda Sula
Drejtor Ekonomik

Ujësjetllës Kanalizime Tiranë sh.a
(Vlerat janë në mijë Lek)

Pasqyra e konsoliduar Fluksit të Mjeteve Monetare
Për vitin e mbyllur më 31 dhjetor 2016

Shënime	31 dhjetor 2016 mijë lek	31 dhjetor 2015 mijë lek
Fitimi(Humbja)	765,649	626,102
Rregullime te Fitimi(Humbjes)		
Amortizimi	277,267	269,562
Rimarje /renie ne vlere e llogarive te arketushme	91,352	(170,677)
Renie ne vlere e emrit te mire	239,021	260,753
Flukset monetare neto të përdorura në aktivitetet operative	1,373,289	985,740
Pakesim /(Rritje) Llogarite e Arketueshme	(446,135)	(663,248)
Pakesim /(Rritje) Inventaret	(94,732)	16,536
Rritje /(Pakesim) i Furnitoreve	302,179	1,124,871
Rritje /(Pakesim) i detyrimeve te tjera	(155,405)	(31,144)
Rritje /(Pakesim) i personelit dhe detyrimet ndaj shtetit	(36,674)	49,747
Tatim fitimi i Paguar	(103,246)	(209,397)
Nxjerrje jashtë përdorimi Aktiveve Afatgjata Materiale	45	-
Rrimarje/(shpenzime) provizione te tjera	-	(3,178)
Rritje /(Pakesim) i aktiveve tatimore te shtyra	(1,922)	-
Kapitali Qarkullues	(535,890)	281,187
Mjetet Monetare qe rrjedhin nga Aktiviteti Operativ	837,354	1,273,105
Blerje Aktiveve Afatgjata Materiale	(1,310,438)	(598,789)
Mjetet Monetare qe rrjedhin nga Aktiviteti Investues	(1,310,438)	(598,789)
Rritje (Pakesim) i Huave nga Insitucione te Tjera	392,773	(285,811)
Pagesa nga pjesemarrje	(25,692)	-
Mjetet Monetare qe rrjedhin nga Aktiviteti Financues	367,081	(285,811)
Rritje/(Pakesim) i Mjeteve Monetare gjate periudhes	(105,958)	385,327
Ndryshimi neto ne mjetet monetare dhe ekuivalentet e tyre	(105,958)	385,327
Mjete Monetare ne Fillim te periudhes	396,917	11,590
Mjete Monetare ne Fund te Periudhes	290,959	396,917

Pasqyrat financiare të konsoliduara duhet të lexohen së bashku me shënimet shpjeguese të faqeve 9 – 43, të cilat janë pjesë përbërëse e këtyre pasqyrave financiare të konsoliduara.

1. Informacion i përgjithshëm**1.1 Informacion Ligjor**

Ujësjetllës Kanalizime Tiranë Sha ("Kompania") është krijuar me vendimin e Gjykatës Tiranë nr. 24875 date 28.12.2000 në vijim të vendimit të Gjykatës së Rrethit Tiranë, bazuar në vendimin e aksionerit të vetëm, Ministrisë së Ekonomisë Publike dhe Privatizimit për krijimin e Ndërmarrjes Ujësjetllës Kanalizime Qytet Sha. , me kapital aksioner prej lekë 2,008,900,000, Aksione 2,008,900 me vlerë nominale Lek 1000/aksion, tërësisht i paguar me kontribute në natyrë.

Kompania operon në aktivitetin e furnizimit me ujë të pijshëm të konsumatorëve dhe shitja e tij. Mirembajtje e sistemit (edhe) të furnizimit me ujë të pijshëm, prodhimi dhe/ose blerja e ujit për plotësimin e kërkesës së konsumatorëve, shërbimi i grumbullimit, largimit dhe trajtimit të ujërave të ndotura dhe shitja e tij, mirëmbajtja e sistemeve të ujërave të ndotura, si dhe impiantëve të pastrimit të tyre.

Krijimi i saj është realizuar në bazë të urdhërit nr .46 ,datë 05.12.2000 të Ministrisë të Ekonomisë dhe Privatizimit, vendim i marrë në vijim të nenit 2, të ligjit nr 8237 date 01.09.1997 " Për disa ndryshime" të ligjit nr 7926 datë 20.04.1995 " Për Transformimin e Ndërmarrjeve Shtetërore në Shoqëri Tregëtare , i ndryshuar me dekretin nr .1195 datë 14.08.1995, ligin nr 8099 datë 28.03.1996, dekretin 1631 datë 01.11.1996 dhe ligjin 8158 datë 7.11.1996, ligjin nr 8158 date 7.11.1996", dhe VKM nr 58 datë 24.2.2000 " Për kriteret e vlerësimit të kapitalit themeltar të shoqërive shtetërore që do të krijohen nga shndërrimi i ndërmarrjeve shtetërore në shoqëri tregëtare".

Me vendim nr 228 datë 04.06.2003 Aksioneri i vetëm "Ministria e Ekonomisë " vendosi bashkimin me përthithje të Ndërmarrjes Ujësjetllës Kanalizime Qytet, me Ndërmarrjen e Ujësjetllës Fshat, krijuar me vendim Gjykate nr. 27377 datë 12.03.2002, vendim i rregjistruar në Gjykatën e Tiranës nr 24875/2 datë 17.07.2003 , pas këtij bashkimi kapitali i shoqërisë u bë Lek 2,561,571, 000 , nr i aksioneve 2,561,571 vlerën nominale Lek 1,000/ aksion.

Në 24 janar 2007 me numrin e çështjes: CN-109845-12-07 . Kuota që mbahej nga aksioneri i vetëm Ministria e Ekonomisë te Shoqëria Ujësjetllës Kanalizime Tiranë, u transferua në pronësi të njërive vendore të zonës së shërbimit që përbëhet nga 3 bashki dhe 16 komuna. Me datë 14/01/2010, numri i çështjes: CN-334160-01-10, Kapitali i Shoqërisë, u zvogëluar nga 2.561.571.000,00 Lek u bë 2.544.398.050,00, ndërkaq që numri i Aksioneve ishte "2.561.571,00" u bë "2.544.398,00" . Diferenca përfaqëson shtesë vlere të Kapitalit të paguar. Me numër çështjeje CN-715092-03-12 për depozitimin e ekstraktit të QRA datë 27/2/2012.

Aksionerët në UKT sha ishin si vijon:

Me datë 04/09/2015, numri i çështjes: CN-243826-09-15, kanë ndodhur ndryshimet e mëposhtme tek ortakët juridik dhe aksionerët në UKT janë si vijon:

Aksioneri	Nr Aksioneve	%	Kontributi
Bashkia Tiranë	2,099,108	82,50	2,099,108,000
Bashkia Kamëz	371,486	14,60	371,486,000
Bashkia Vorë	73,804	2,90	73,804,000
TOTALI	2,544,398	100	2,544,398,000

Më pas në datën 26/02/2016 kompania në bazë të numrit të çështjes: CN-570538-02-16, ka rregjistruar pranë QKR administrator ligjor, Z. Redi Molla, i cili ka zëvendësuar Z. Neritan Gjojdeshi i liruar nga detyra, sipas vendimit të asamblesë nr. 1 Datë 26.02.2016.

Më datë 18/7/2014 është rregjistruar shoqëria HEC LANABREGAS sha pranë QKR-së me NIPT L41918001E dhe aksioner 100% UKT sha me një kapital prej 10.000.000 lekë sipas vendimit të Asamblesë së Përgjithshme të Ortakëve nr 13 date 13/9/2013, me adresë Komuna Dajt Hec Lanabregas me objekt të aktivitetit prodhim i energjisë elektrike, shitja e energjisë elektrike. Shoqëria mundet të realizojë çdo lloj operacioni financiar apo tregtar që lidhet direkt apo indirekt me objektin e saj, brenda limiteve të parashikuara nga legjislacioni në fuqi.

Shoqëria do të kryejë çdo veprim me qëllim marrjen e lejeve, autorizimeve, liçensave dhe miratimeve të nevojshme për realizimin e veprimtarive të saj.

Adresa ligjore UKT sha është në : Rruga 5 Maji, pranë Medresesë, Tiranë. Shoqëria është subjekti i rregjistruar në TVSH dhe është pajisur me NIPT J620050020. Më 31 dhjetor 2016 shoqëria ka 1168 punonjës kundrejt 870 punonjës më 31 dhjetor 2015.

1.2 Informacion mbi veprimtarinë

Në vitin 1939, me përfundimin e qendrës së Tiranës (ndërtimin e Ministrive dhe shëtitores "Dëshmorët e Kombit"), u vu në punë Impianti i Pastrimit të ujit në Brar, i cili merrte ujë në lumin e Tiranës pranë kataraktit me prurje $Q=40$ l/sek së bashku me rrjetin që furnizon objektet e ndërtuara.

Për administrimin e Impiantit dhe rrjetit shpërndarës, u krijua Shoqëria e Ujësjellësit Tiranë me vartësi nga Ministria e Punëve Botërore. Ky administrim ka vazhduar edhe pas çlirimit të vendit, të cilën e vërtetojnë lejet nga Shoqëria për ndërtimin e çezmave publike në qytetin e Tiranës. Në vitin 1951 qytetit të Tiranës, përveç Impiantit Brar, iu shtuan edhe Burimet e Selitës, të cilat, pasi përpunohen në Hidrocentralin Lana-Bregas, shpërndahen në depot e Tiranës. Me rritjen e numrit të konsumatorëve shtohen kërkesat për ujë. Në vitin 1964, Tiranës i janë shtuar burime të tjera: Burimi i Bovillës me prurje $Q=140-420$ l/sek dhe Burimet e Shën Mërisë me prurje $Q=600$ l/sek.

Në vitin 1988 Tiranës i shtohen burime të reja me ngritje mekanike Bërxull dhe Pishinat. Me rritjen e kërkesave, po në vitin 1988, me fonde të përbashkëta nga Ministria e Bujqësisë dhe Komunale, u krye studimi për ndërtimin e Digës së Bovillës me kapacitet 80 milion m^3 /ujë dhe aftësi përpunuese 40 milion m^3 /ujë. Diga e Bovillës përfundoi në vitin 1999, e në funksion të saj u ndërtua Impianti i Pastrimit të Ujit, me kapacitet përpunues prej 1800 l/sek. Impianti i Pastrimit të Ujit është vënë në punë në vitin 2000.

a. Informacion mbi produktet kryesore dhe shërbimet e UKT sha

Liçensa e shoqërisë është rinovuar nga Komisioni Kombëtar Rregullator i Ujit me numer 21 me vendim nr.28 date 01.07.2013, pas një procesi monitorimi dhe vlerësimi të përmbyshjes së të gjitha kërkesave për këtë liçencë nga Enti Rregullator i Ujit në bazë të Ligjit Nr. 8102 datë 28.03.1996 "Për grumbullimin dhe shpërndarjen e ujit për konsum publik, largimin dhe përpunimin e ujrave të ndotura"

Veprimtaritë përkatëse të kualifikuar në kategoritë janë:

- Kategoria A, Për grumbullimin dhe shpërndarjen e ujit për konsum publik.
- Kategoria B, Për përpunimin e ujit për konsum publik.
- Kategoria C, Për largimin e ujrave të ndotura.

Në zonat e shërbimit të këtij operatori është: Bashkitë Tiranë, Kamëz, Vorë; Komunat Prezë, Farkë, Petrelë, Krrabë, Dajt, Bërxull, Baldushk, Vaqar, Zall – Herr, Peze, Kashar Ndroq, Paskuqan.

Përsa bazuar në liçensë UKT ofron shërbimet e mëposhtme:

- i) shpërndarjen e ujit të pijshëm
- ii) instalimin e matësve
- iii) instalimin e pikëlidhjeve me rrjetin
- iv) azhurnimin e rrjetit
- v) largimin e ujrave të ndotura
- vi) shitjen e ujit me botë
- vii) furnizimin me ujë të HEC Lanabregas etj

1.3 Informacion mbi përthithjen e Shoqërisë HEC Lanabregas Sha në Ujësjellës Kanalizime Sha

Shoqëria "HEC LANABREGAS" sh.a është krijuar si shoqëri anonime shtetërore në 31/08/2011 dhe është rregjistruar në Qendrën Kombëtare të Rregjistrimit Tiranë në 07/09/2011 si rezultat i një operacioni spin-off të aktiveve të prodhimit të energjisë elektrike të Korporatës Elektroenergjitike Shqiptare Sha të përdorura prej saj, në vendndodhjen Lanabregas, Komuna Dajt Tiranë.

Themelues i shoqërisë është aksioneri i vetëm Ministria e Ekonomisë, Tregtisë dhe Energjitikës. Veprimtaria e saj rregullohet sipas dispozitave përkatëse të Ligjit 9901, datë 14.04.2010, "Për tregtarët dhe shoqëritë tregëtare" si dhe nga statuti dhe legjislacioni shqiptar në fuqi.

Objekti i veprimtarisë: Prodhimi dhe shitja e energjisë elektrike.

Në vijim të kontratës nr 1588 rep-nr 320 kol datë 08/05/2012 " Për Blerjen e Aksioneve të HEC Lanabregas sha", Ligjit 9901 date 14/04/2008 "Për Tregëtarët dhe Shoqëritë Tregëtare" Ujësjetllës Kanalizime sha është shndërruar në zotëruesin në masën 100% të kapitalit të Shoqërisë Hec Lanabregas Sha.

Në datë 15.10.2012 u diskutua nga Këshilli Mbikqyrës i shoqërisë Ujësjetllës Kanalizime sh.a Tiranë dhe u vendos të miratojë Projektin e Marrveshjes së Bashkimit me përthithje të shoqërive Ujësjetllës Kanalizime sha Tiranë dhe HEC Lanabregas sha ku shoqëria Ujësjetllës Kanalizime sha Tiranë është shoqëria përthithëse dhe shoqëria HEC Lanabregas sha është shoqëria e perthithur.

Asambleja e Aksionarëve të UKT sha në datë 16.01.2013 pasi shqyrtoi transaksionin vendosi të aprovojë Marrveshjen e Bashkimit me përthithje të shoqërive Ujësjetllës Kanalizime sha Tiranë dhe HEC Lanabregas sha ku shoqëria Ujësjetllës Kanalizime sha Tiranë është shoqëria përthithëse dhe shoqëria HEC Lanabregas sha është shoqëria e përthithur. Ky operacion sipas Marrëveshjes është realizuar mbi të dhënat e datës 30 shtator 2012.

Si rezultat i këtij operacioni Pasqyrat Financiare të UKT sha për periudhën që u mbyll më 31 dhjetor 2012 paraqesin dhe rezultatin e bashkimit me përthithje të HEC sha për periudhën 1 tetor 2012- 31 dhjetor 2012.

Në Qendrën Kombëtare të Rregjistrimit përthithja e rezultateve të HEC Sh.a nga UKT u përfundua më datë 07/02/2013 me numër çështje CN-998395-01-13 me numër 1 të vendimit të Asamblesë së Përgjithshme të Aksionerëve datë 16/01/2013. Janë paraqitur për efekt fiskal vetëm rezultatet e HEC Lanabregas Sh.a deri në këtë datë të cilat reflektojnë rezultatin fiskal të tij.

1.4 Informacion mbi krijimin dhe transferimin e Shoqërisë HEC LANABREGAS sha .

Më datë 18/7/2014 është rregjistruar shoqëria HEC LANABREGAS sha pranë QKR-së me NIPT L41918001 dhe aksioner 100% UKT sha me një kapital prej 10.000.000 lekë sipas vendimit të Asamblesë së Përgjithshme të Ortakëve nr 13 datë 13/9/2013, me adresë Komuna Dajt Hec Lanabregas me objekt të aktivitetit prodhim i energjisë elektrike, shitja e energjisë elektrike. Shoqëria mundet të realizojë çdo lloj operacioni financiar apo tregtar që lidhet direkt apo indirekt me objektin e saj, brenda limiteve të parashikuara nga legjislacioni në fuqi. Shoqëria do të kryejë çdo veprim me qëllim marrjen e lejeve, autorizimeve, liçensave dhe miratimeve të nevojshme për realizimin e veprimtarive të saj, për të cilat kërkohen këto dokumente administrative. Administratori i shoqërisë është zoti Arben Ibroja.

Shoqëria HEC LANABREGAS sha me NIPT L41918001E deri në marrjen e liçensës së shitjes së energjisë elektrike në emër të saj ka nënshkruar një kontratë porosie me UKT sha me nr prot 11658 datë 21/7/2014 në të cilën ajo ka të drejtë të shfrytëzojë, përdorë dhe të mirëmbajë asetet e UKT –së me qëllim prodhimin e energjisë elektrike. Gjithashtu është nënshkruar kontrata e huapërdories midis dy shoqërive me nr prot 19322 dt 10/12/2014 që i shërben të njëjtit qëllim.

2. Aplikimi i Standardeve Ndërkombëtare të Raportimit Financiar të reja dhe të rishikuara (SNRF)

2.1 Standardet dhe interpretimet efektive në periudhën aktuale

Standardet dhe interpretimet e mëposhtme janë efektive për periudhat e raportimit financiar që fillojnë më ose pas datës 1 janar 2016.

- Ndryshimet në SNRF 10 "Pasqyrat financiare të konsoliduara", SNRF 12 "Dhënia e informacioneve shpjeguese në lidhje me interesat në njësitë e tjera ekonomike" dhe SNK 28 "Investimet në pjesëmarrje dhe sipërmarrjet e përbashkëta" - Njësitë investuese: Aplikimi i përjashtimit të konsolidimit - miratuar nga BE-ja më 22 shtator 2016 (në fuqi për periudhat vjetore që fillojnë më apo pas 1 janarit 2016)
- Ndryshimet në SNRF 11 "Marrëveshje të përbashkëta" Kontabiliteti për Blerjet e interesave në operacione të përbashkëta - të miratuar nga BE-ja më 24 nëntor 2015 (në fuqi për periudhat vjetore që fillojnë më ose pas 1 janarit 2016)
- Ndryshimet në SNK 1 "Paraqitja e pasqyrave financiare" Paraqitja Fillestare - miratuar nga BE-ja më 18 dhjetor 2015 (në fuqi për periudhat vjetore që fillojnë më ose pas 1 janarit 2016)
- Ndryshimet në SNK 16 "Aktivet Afatgjata Materiale (toka, ndërtesa, makineri e pajisje"- Sqarimi i Metodave të pranueshme të Zhvlerësimit dhe Amortizimit - të miratuara nga BE-ja më 2 dhjetor 2015 (në fuqi për periudhat vjetore që fillojnë më ose pas 1 janarit 2016).
- Ndryshimet në SNK 27 "Pasqyrat financiare individuale"- Metoda e kapitalit neto në pasqyrat financiare të veçanta - e miratuar nga BE-ja më 18 dhjetor 2015 (në fuqi për periudhat vjetore që fillojnë më ose pas 1 janarit 2016)
- Ndryshimet në standardet e ndryshme "Përmirësimet në SNRF-të (cikël 2012-2014)" që rezultojnë nga projekti për përmirësimin vjetor të SNRF (SNRF 5, SNRF 7, SNK 19 dhe SNK 34) kryesisht me qëllim që të shmangin mospërputhjet dhe të qartësojnë formulimin - miratuar nga BE-ja më 15 dhjetor 2015 (ndryshimet duhet të zbatohen për periudhat vjetore që fillojnë më ose pas 1 janarit 2016).

Miratimi i këtyre ndryshimeve në standardet ekzistuese nuk ka çuar në ndonjë ndryshim material në pasqyrat financiare të kompanisë.

2.2 Standardet dhe interpretimet e emetuara por ende të pa përvetësuar

Në datën e aprovimit të këtyre pasqyrave financiare, standardet e mëposhtme, interpretimet dhe rishikimet janë emetuar por nuk janë ende efektive:

- SNRF 9 "Instrumentat Financiar" (efektive për periudhat vjetore që fillojnë më ose pas 1 Janarit 2018)
- SNRF 15 " Të ardhurat nga Kontratat me Klientet" dhe amemdime të mëtejshme(efektive për periudhat vjetore që fillojnë më ose pas 1 Janarit 2018)
- SNRF 16 " Qirate" (efektive për periudhat vjetore që fillojnë më ose pas 1 Janarit 2019)
- Ndryshimet në SNRF 2 "Pagesat e bazuara në aksione" (Klasifikimi dhe matja e pagesës të bazuar në aksione (efektive për periudhat vjetore që fillojnë më ose pas 1 Janarit 2018).
- Ndryshimet në SNRF 4 " Kontratat e Sigurimit"- Aplikimi i SNRF 9 "Instrumentat Financiar" me SNRF 4 "Kontratat e Sigurimit" (efektive për periudhat vjetore që fillojnë nga 1 Janari 2018 ose kur SNRF 9 "Instrumentat Financiare aplikohet për herë të pare).
- Ndryshimet në SNRF 10 "Pasqyrat Financiare të Konsoliduara" dhe SNK 28 "Investimet në pjesëmarrjet dhe në sipërmarrjet e përbashkëta"- Shitja ose Kontributi asetëve ndermjet një investitori dhe ortakut ose sipërmarrjet e përbashkëta dhe ndryshime të mëtejshme (efektive për periudhat vjetore që fillojnë më ose pas 1 Janarit 2018)

- *Ndryshimet në SNK 7 "Pasqyra e Flukseve Monetare"- Paraqitja fillestare(efektive për periudhat vjetore që fillojnë nga 1 Janari 2017)*
- *Ndryshimet në SNK 12 "Tatimi mbi të ardhurat"- Njohja e detyrimeve tatimore të shtyrë për humbjet e perealizuara(efektive për periudhat vjetore që fillojnë më ose pas 1 Janarit 2017)*
- *Ndryshimet në SNK 40 "Aktivet Afatgjata Materiale të Investuara"- Transferimet e aktiveve afatgjata materiale të investuara(efektive per periudhat vjetore që fillojne më ose pas 1 Janarit 2018)*
- *Ndryshime të standarteve të ndryshme " Përmirësime të SNRF-ve(cikli 2014-2016)" që rrjedhin nga projekti vjetor I përmirësimit të SNRF-ve(SNRF 1, SNRF 12, IAS 28) kryesisht me qëllim që të shmangin mospërputhjet dhe të qartësojnë formulimin (Ndryshimet në SNRF 12 duhet të zbatohen për periudhat vjetore që fillojnë më ose pas 1 janarit 2017 dhe ndryshimet në SNRF 1 dhe SNK 28 duhet të zbatohen për periudhat vjetore që fillojnë më ose pas 1 janarit 2018)*

Kompania ka zgjedhur të mos i përvetësojë këto standarde, rishikime dhe interpretime para datës që ato do të bëhen efektive. Kompania parashikon se përvetësimi i këtyre standardeve, rishikimeve dhe interpretimeve nuk do të ketë ndikim material në pasqyrat financiare të kompanisë në periudhën e aplikimit fillestar të tyre.

3. Bazat e përgatitjes

3.1. Deklarata e pajtueshmërisë

Pasqyrat financiare të konsoliduara të Grupit UKT Sh.a. janë përgatitur në përputhje me Standardet Ndërkombëtare të Raportimit Financiar (SNRF) të miratuara nga Bordi i Standardeve Ndërkombëtare të Kontabilitetit (BSNK). Kuadri kontabël i aplikuar është i bazuar në politikat kontabël të listuara më poshtë. Më poshtë paraqiten parimet kryesore kontabël të aplikuara në përgatitjen e këtyre pasqyrave financiare të konsoliduara.

Shoqëria mëmë UKT Sh.a.përgatit pasqyrat financiare të konsoliduara në përputhje me SNRF për Grupin UKT Sh.a. i cili përfshin UKT Sh.a. dhe HEC Lanbregas Sh.a. Në pasqyrat financiare të konsoliduara, Shoqëritë e Kontrolluara, në të cilat Grupi kontrollon në mënyrë direkte ose jodirekte më shumë se gjysmën e të drejtave të votës, ose zotëron të drejtën për të ushtruar kontroll mbi aktivitetet e tyre, konsolidohen plotësisht.

3.2. Baza e matjes

Pasqyrat financiare janë përgatitur në përputhje me Standardet Ndërkombetare të Raportimit Financiar (SNRF) të lëshuara nga Bordi i Standardeve Ndërkombëtare të Kontabilitetit ("BSNK") dhe interpretimet e nxjerra nga Komiteti për Interpretimet Ndërkombëtare të Raportimit Financiar ("KIRFN") të BSNK-se.

Pasqyrat financiare janë përgatitur në bazë të parimit të vijimësisë.

3.3. Biznesi në vijimësi

Pasqyrat financiare të Shoqërisë përgatiten mbi supozimin e biznesit në vijimësi, i cili merr parasysh se Grupi do të vazhdojë ekzistencën e aktivitetit të saj për një të ardhme të parashikuar.

3.4. Monedha funksionale dhe e paraqitjes

Këto pasqyra financiare janë prezantuar në Lek Shqiptar ("Lek"), e cila është monedha funksionale e Grupit.

3.5. Bazat e konsolidimit

Pasqyrat financiare të Grupit konsolidojnë ato që shoqëria mëmë dhe të shoqërise se kontrolluar të saj me 31 dhjetor 2016. Shoqëria e Kontrolluar ka një datë raportimi më 3 dhjetor 2016.

Të gjitha trasaksionet dhe balancat ndërmjet të shoqërive të Grupit janë eliminuar në konsolidum, duke përfshirë fitimet e parealizuara dhe humbjet nga trasaksionet në ndërmjet shoqërive të Grupit.

Në rastet kur humbjet e parealizuara në shitjet e asetëve brenda grupit janë stornuar në konsolidim, aktivi është testuar edhe për zhvlerësim nga prespektiva e grupit. Shumat e raportuara në pasqyrat financiare të Shoqërive të Kontrolluara janë përshtatur aty ku është e nevojshme për të siguruar përputhshmërinë me politikat kontabël të miratuara nga Grupi.

3.6. Vlerësime dhe gjykime

Paraqitja e pasqyrave financiare kërkon që manaxhimi i shoqërisë të kryejë vlerësime dhe supozime që ndikojnë shumat e raportuara të aktiveve, detyrimeve dhe aktiveve e detyrimeve të kushtëzuara në datën e pasqyrës së pozicionit financiar, si dhe të ardhurave dhe shpenzimeve të krijuara në periudhën kontabël.

Vlerësimet dhe gjykimet rishikohen vazhdimisht dhe bazohen në eksperiencën e mëparshme dhe faktorë të tjerë duke përfshirë pritshmëritë për ngjarjet e ardhshme të cilat besohen të jenë të arsyeshme në rrethanat aktuale. Në disa raste manaxhimi mbështetet në mendimet e ekspertëve të pavarur. Manaxhimi kryen vlerësime dhe gjykime në lidhje me të ardhmen. Vlerësimet kontabël që rezultojnë sipas përkufizimit, jo gjithmonë do të barazohen me rezultatet aktuale. Vlerësimet dhe supozimet që kanë risk të rëndësishëm për të shkaktuar korrigjime (axhustime) materiale, të vlerave të mbartura të aktiveve dhe detyrimeve janë përshkruar më poshtë:

3.6.1. Zhvlerësimi i llogarive të arkëtueshme

Zhvlerësimi i llogarive të arkëtueshme bazohet në humbjet e vlerësuara të cilat rezultojnë nga pa mundësia e klientëve për të paguar detyrimet e tyre. Këto vlerësime bazohen në moshën e llogarive të arkëtueshme dhe eksperiencën e mëparshme në çregjistrimin, vlerësimin e aftësisë paguese të klientëve, si dhe ndryshimet e fundit dhe të pritshme të termave të pagesës së klientëve. Manaxhimi vlerëson në fund të çdo periudhe në rast se ka nevojë për zhvlerësimin e llogarive të arkëtueshme.

3.6.2. Provizionet

Provizionet në përgjithësi kërkojnë një nivel të lartë gjykimi, veçanërisht në rastet e konflikteve gjyqësore. Shoqëria vlerëson mundësinë e krijimit të një detyrimi aktual si rrjedhojë e një ngjarje të shkuar, në rast se mundësia e ndodhjes vlerësohet të jetë më shumë se 50% , në të tilla raste shoqëria provizionon vlerën e detyrimit e cila mund të matet me besueshmëri. Për shkak të nivelit të lartë të pasigurisë, në disa raste mund të ndodhë që vlerësimi mund të mos jetë në të njëjtën linjë me rezultatin e çështjes. Manaxhimi vlerëson në fund të çdo periudhe në rast se ka nevojë për krijimin e provizioneve.

3.6.3 Zhvlerësimi i inventarëve

Shoqëria vlerëson gjendjen e inventarit në qarkullim të ulët dhe inventarin i cili ka humbur vlerën e përdorimit për shkak të zhvillimeve teknologjike apo arsyeve të tjera , me synim për të përcaktuar masën e zhvlerësimit të inventarit , bazuar në përdorimin e ardhshëm të tij dhe në llogaritjen e vlerës neto të realizueshme . Në rast se vlera neto e realizueshme e inventarit është më e ulët se vlera kontabël neto , ekziston një tregues që inventari është i zhvlerësuar . Shoqëria përdor gjykimin e saj për të përcaktuar masën e zhvlerësimit.

4. Politikat Kontabël

Politikat kontabël të mëposhtme janë aplikuar në mënyrë konsistente në të gjitha periudhat e paraqitura në pasqyrat financiare.

4.1. Transaksionet në monedhë të huaj

Transaksionet në monedhë të huaj konvertohen në monedhën funksionale dhe regjistrohen me kursin e këmbimit në datën e transaksionit. Aktivitet dhe detyrimet monetare në monedhë të huaj në datën e raportimit konvertohen në monedhën funksionale me kursin e këmbimit në datën e bilancit. Fitimi ose humbja nga këmbimi në zëra monetarë është diferenca që vjen nga këmbimi i një numri të caktuar njësisish të një monedhe të huaj në monedhën funksionale me kurse të ndryshme këmbimi në datat e këmbimit. Të drejtat dhe detyrimet jo-monetare në monedhë të huaj konvertohen në monedhën funksionale me kursin e këmbimit të datës së kryerjes së transaksionit ndërsa ato që maten me vlerë të drejtë rikëmbehen në monedhën funksionale me kursin e këmbimit të datës kur është përcaktuar vlera e drejtë. Diferencat që rezultojnë nga kursi i këmbimit kalojnë në pasqyrën e të ardhurave dhe shpenzimeve.

Kursi i këmbimit i monedhave të huaja më 31 dhjetor 2016 dhe 2015 është detajuar si më poshtë:

Kursi i këmbimit	31 dhjetor 2016	31 dhjetor 2015
EUR/LEK	135.23	137.28
USD/LEK	128.17	125.79
CHF/LEK	126.05	126.74
GBP/LEK	157.55	186.59

4.2. Instrumentat financiare

Instrumentat financiarë jo-derivativë përbëhen nga llogari të arkëtueshme, mjete monetare, hua të marra dhe të dhëna dhe llogari të pagueshme.

Instrumentat financiarë jo-derivativë njihen fillimisht me vlerën e drejtë plus çdo kosto transaksioni që lidhet me to, përveç siç përshkruhet më poshtë. Për instrumentat e mbajtur me vlerë të drejtë nëpërmjet fitim/humbjes, kostot e transaksionit kalojnë në pasqyrën e të ardhurave dhe shpenzimeve. Në vijim të njohjes fillestare instrumentat financiarë jo-derivativë maten siç përshkruhet më poshtë.

Një instrument financiar njihet nëse Shoqëria bëhet palë në kushtet kontraktuale të instrumentit. Aktivitet financiarë çregjistrohen kur skadojnë të drejtat kontraktuale të shoqërisë mbi flukset e parasë së aktivitetit financiar ose kur shoqëria transferon aktivin financiar tek një palë e tretë pa mbajtur kontrollin ose gjithë risqet dhe përfitimet thelbësore të aktivitetit. Blerjet dhe shitjet normale të aktiveve financiare kontabilizohen në datën e transaksionit, që është data në të cilën shoqëria angazhohet të blejë apo të shesë aktivin. Detyrimet financiare çregjistrohen nëse detyrimet kontraktuale të shoqërisë skadojnë, shfuqizohen ose anulohen.

Mjetet monetare

Mjetet monetare përfshijnë arkën, llogaritë rrjedhëse dhe depozitat në të parë me bankat. Për qëllimin e pasqyrës së fluksit të parasë, mjetet monetare përfshijnë depozita me afat me një maturim prej tre muajsh ose më pak që nga data e fillimit.

Llogari të arkëtueshme

Llogaritë e arkëtueshme njihen fillimisht me vlerën e drejtë dhe më pas me kosto të amortizuar duke zbritur humbjen nga zhvlerësimi. Provizionin për zhvlerësimin e aktiveve të arkëtueshme llogaritet kur ka të dhëna se shoqëria nuk do të jetë në gjendje të mbledhë të gjitha detyrimet. Vështirësitë financiare të debitorit, mundësia që debitori të falimentojë ose riorganizimi i tij financiar konsiderohen tregues që llogaritë e arkëtueshme të zhvlerësohen. Shuma e provizionit llogaritet si diferencë midis vlerës së mbetur dhe vlerës aktuale të flukseve të ardhshme të parashikuara të parasë të skontuara me normën efektive të interesit.

(Vlerat janë në mijë Lek)

Llogari të pagueshme

Llogaritë e pagueshme paraqiten me vlerën e tyre të drejtë dhe më pas me kosto të amortizuar, duke përdorur metodën e interesit efektiv.

Per llogarite e pagueshme ,te pa paguara dhe te pa kërkuara per me shume se pese vjet per te cilat shoqeria bazuar ne te dhënat dhe komunikimin me palën tjetër nuk ka ndonjë pritshmëri per shlyerjen e këtyre detyrimeve, gjykon se detyrimet e me sipërme nuk duhen njohur si te tilla por i njeh si të ardhura te vitit qe vijne nga fshirja e tyre.

Hua të marra

Huatë e marra njihen fillimisht dhe mbahen në vazhdim me vlerën e tregut, pa përfshirë koston e transaksioneve. Pas njohjes fillestare, huatë e marra dhe të dhëna paraqiten me kosto të amortizuar duke njohur në pasqyrën e të ardhurave dhe shpenzimeve çdo diferencë midis koston dhe vlerës së pagueshme nominale përgjatë periudhës së huamarrjes duke u bazuar (si rregull) në interesin efektiv. Interesat e njohura në pasqyrën e të ardhurave dhe shpenzimeve janë përlllogaritur mbi bazën e interesit nominal.

Vlera e drejtë

Vlerat e drejta të përlllogaritura të mjeteve monetare dhe ekuivalentëve të tyre, të kërkesave për t'u arkëtuar, detyrimeve për t'u paguar dhe huave, përafrohen me vlerat e tyre kontabël.

Të tjera

Instrumenta të tjerë jo-derivativë maten me kosto të amortizuar sipas metodës së interesit efektiv, duke zbritur çdo humbje nga zhvlerësimi.

Kapitali aksionar

Kapitali aksionar njihet me vlerën nominale.

Zhvlerësimi i aktiveve financiare

Një aktiv financiar konsiderohet i zhvlerësuar nëse ka të dhëna objektive që tregojnë se një apo disa ngjarje kanë efekte negative në flukset e ardhshme që parashikohet të burojnë nga aktivi.

Një zhvlerësim në lidhje me aktivin financiar, të matur me kosto të amortizuar, llogaritet si diferencë midis vlerës së mbetur dhe vlerës aktuale të flukseve të ardhshme të parashikuara të parasë të skontuara me normën efektive të interesit.

Aktivet financiare të rëndësishme testohen për zhvlerësim në mënyrë individuale. Aktivet e tjera financiare vlerësohen në mënyrë të grupuar, në grupe që kanë karakteristika të ngjashme të riskut kreditor.

Të gjitha humbjet nga zhvlerësimi njihen në pasqyrën e të ardhurave dhe shpenzimeve.

Një humbje nga zhvlerësimi rimerret nëse rimarrja mund të lidhet objektivisht me një ngjarje të ndodhur pas njohjes së humbjes nga zhvlerësimi. Për aktivet financiare të matura me kosto të amortizuar, rimarrja njihet në pasqyrën e të ardhurave dhe shpenzimeve.

4.3. Aktive afatgjata materiale

i. Njohja dhe matja

Të gjitha aktivet afatgjata materiale paraqiten me kosto duke zbritur zhvlerësimin dhe amortizimin e akumuluar. Kostoja përfshin shpenzime të cilat lidhen drejtpërdrejt me blerjen e aktivitetit. Kostoja e aktiveve të vetë-ndërtuara përfshin koston e materialeve dhe punës direkte, çdo kosto tjetër të lidhur drejtpërdrejt me sjelljen e aktivitetit në gjendje pune për qëllimin e synuar të përdorimit, si dhe kostot e çmontimit, heqjes së pjesëve dhe sjelljes në gjendjen e mëparshme të vendndodhjes së aktivitetit. Programi i blerë që është pjesë përbërëse në funksionimin e një pajisjeje është kapitalizuar si pjesë e pajisjes.

Në rastet kur pjesë të një aktiviteti afatgjatë material kanë jetëgjatësi të ndryshme, ato kontabilizohen si zëra të ndryshëm (komponentët më të mëdhenj) të aktiveve afatgjata materiale.

Fitimet dhe humbjet nga shitjet, apo nxjerrjet jashtë përdorimit përcaktohen duke krahasuar vlerën e shitjes me vlerën e mbetur dhe këto përfshihen në pasqyrën e të ardhurave dhe shpenzimeve.

ii. Kostot e mëpasshme

Kostoja e zëvendësimit të një pjese të një zëri të aktiveve afatgjata materiale njihet në vlerën kontabël të atij zëri nëse është e mundshme që shoqëria do të realizojë përfitime të ardhshme ekonomike nga përdorimi i pjesës zëvendësuese dhe kostoja e pjesës mund të matet në mënyrë të besueshme. Kostot e shërbimeve të zakonshme të aktiveve afatgjata materiale njihen si shpenzim kur ato ndodhin.

iii. Amortizimi

Amortizimi njihet në të ardhura ose shpenzime me metodën lineare mbi jetën e dobishme të aktivitetit për ndërtesat, kompjuterat, furniturat dhe pajisje dhe mjetet e transportit. Aktivitetet e marra me qera amortizohen përgjatë periudhës më të shkurtër midis periudhës së qiramarrjes dhe jetës së tyre të dobishme. Toka nuk amortizohet. Ndërtesat, makineritë dhe pajisjet e lidhura me aktivitetin e Ujësjiellës Kanalizime amortizohen bazuar në jetëgjatësinë e aktivitetit, në këto raste për amortizimin e tyre përdoret metoda lineare. Baza e përlllogaritjes përfshin shumën fillestare të makinerive dhe pajisjeve dhe duke zbritur vlerën e rikuperueshme të aktivitetit. Ndërtesa, makineri dhe pajisje të tjera zakonisht janë amortizuar me metodën lineare në bazë të jetës të dobishme të tyre që zakonisht përlllogaritet mbi jetëgjatësinë e supozuar të aktivitetit.

Vlerësimi i jetës së aktiveve është bërë duke parë nivelin e lartë të konsumimit dhe dëmtimet në asetet e UKT Sh.a.

iv. Rënia në vlerë

Vlera e mbartur e ndërtesave, makinave dhe pajisjeve kryesore të Grupit janë testuar çdo vit për rënie e mundeshme në vlerë, atëherë kur ngjarjet apo kushtet e gjëndjes financiare tregojnë që shuma e mbartur e këtyre aktiveve nuk mund të rikuperohet.

Në rast se për aktivet identifikohet fakti që mbartin një rënie të vlerës së tyre, atëherë shuma e mbartur në kontabilitet zvoglohet deri në shumën e rikuperueshme. Shuma e rikuperueshme përfaqësohet nga shuma më e madhe midis vlerës së drejtë minus kostot e shitjes dhe vlerës në përdorim, ku kjo e fundit është llogaritur si vlera e skontuara e flukseve të ardhshme të parashikuara të parasë, të rregulluara nga faktorët e riskut që mbartin.

Për këto arsye grupohen sipas aftësisë së tyre për të gjeneruar flukse hyrëse të parasë bazuar në faktin që këto aktive janë të identifikueshme dhe që gjenerojnë flukse të rëndësishme të mjeteve monetare.

Vlerësimet e flukseve të ardhshme të parasë të përdorur, me vlerën e rënë të aktiveve të lidhura me prodhimin dhe shpërndarjen e produkteve të Grupit, kryhen duke përdorur vlerësimin e riskut në lidhje me prodhimin dhe performancën e tyre.

Zbritja në vlerë e aktiveve, përveç emrit të mirë, aplikohet sa herë që ngjarjet të cilat kanë ecur në këtë rënie të vlerës ndryshojnë. Shtimet apo pakësimet e rënies në vlerë, raportohen së bashku me zhvlerë

v. Çregjistrimi

Një zë i aktiveve afatgjata materiale çregjistrohet kur ai nxirret jashtë përdorimit apo atëhere kur nuk priten më përfitime ekonomike të ardhshme nga përdorimi apo nxjerrja e tij jashtë përdorimit.

Fitimet dhe humbjet në rastin e nxjerrjes jashtë përdorimit të aktiveve afatgjata materiale, përcaktohen sipas shumës së tyre të mbetur dhe merren parasysh në nxjerrjen e rezultatit operativ të vitit.

4.4. Aktivitet Afatgjata Jomateriale (Emri i Mirë)

Emri i mirë rezulton nga transaksionet e blerjes së shoqërisë dhe përfaqëson tepricën midis shumës së paguar dhe vlerës së drejtë të kapitalit të shoqërisë që blihet.

Për qëllime të testit të vlerës së Emrit të Mirë, ai alokohet në Njësinë Gjeneruese të Fitimeve të identifikuar dhe që pritet të përftojë nga sinergjitë e kombinimit të bizneseve. Njësia e Gjenerimit të Fitimeve për të cilën është alokuar Emri i Mirë përfaqëson nivelin më të ulët brenda kompanisë mbi të cilën monitorohet Emri i Mirë. Emri i i Mirë monitorohet në nivel të raporteve segmentare.

Testimi për zhvlerësimin e Emrit të Mirë realizohet çdo vit nga kompania. Vlera e mbartur në kontabilitet krahasohet me vlerën e rikuperueshme. Në rast se diferenca midis vlerës së rikuperueshme dhe vlerës së mbartur në kontabilitet është negative atëhere humbja kalohet në të ardhura dhe shpenzime. Kjo shumë njihet menjëherë dhe nuk rimerret sërish.

4.5. Aktive jo financiare

Vlerat kontabël të aktiveve jofinanciare të Shoqërisë janë rishikuar në datën e raportimit për të përcaktuar në qoftë se ka ndonjë tregues zhvlerësimi. Në qoftë se ndonjë tregues i tillë ekziston, atëherë llogaritet vlera e rikuperueshme e aktivitetit. Shuma e rikuperueshme është vlera më e lartë midis vlerës së drejtë minus kostot e shitjes dhe vlerës në përdorim. Në vlerësimin e vlerës në përdorim, flukset e vlerësuarat monetare të ardhshme janë zbritur për vlerën e tyre aktuale duke përdorur një normë skontimi para taksave që reflekton vlerësimet aktuale të tregut për vlerën në kohë të parasë dhe risqet specifike për aktivin për të cilat vlerësimet e flukseve monetare të ardhshme nuk janë rregulluar.

Humbjet nga zhvlerësimi njihen në qoftë se vlera e mbartur e aktivitetit apo pjesa e burimit të parave e kalon vlerën e rikuperueshme. Humbjet nga zhvlerësimi janë njohur në të ardhura ose shpenzime.

4.6. Të ardhurat

Të ardhurat njihen atëherë kur është e mundshme që njësia ekonomike do të ketë përfitime ekonomike në të ardhmen dhe këto përfitime mund të maten me besueshmëri. Të ardhurat maten me vlerën e drejtë të arkëtuar ose të arkëtueshme që merr parasysh shumën e çfarëdo zbritje tregtare, zbritjet për shlyerje të menjëhershme dhe zbritjet e bëra për sasi (vëllim) të blerë.

Të ardhurat përfshijnë të ardhurat nga shitjet neto dhe të ardhurat nga shërbimet të realizuara nga aktivitetet kryesore të Degës, duke mos përfshirë tatimin mbi vlerën e shtuar (TVSH). Pjesa më e madhe të shitjeve të Degës gjenerohen nga shitja e shërbimeve të instalimit dhe mirëmbajtjes.

i) Të ardhurat nga shitja e shërbimeve dhe produkteve

Në marrëveshjet për shitjen vetëm të shërbimeve, të ardhurat nga shërbimet e furnizimit me uje të pijshëm dhe shërbimet e kanalizimit njihen në momentin e kryerjes së shërbimit, bazuar në matjen që realizohet të konsumit. Të ardhurat nga shërbimet e mirëmbajtjes dhe azhurnimit, si dhe të shitjes së produkteve : të matësive, librezave të ujit etj, njihen në momentin e realizimit të tyre.

Përgjithësisht, të ardhurat vlerësohen me vlerën e drejtë të shumës së arkëtuar ose që do të arkëtohet. Në rastin kur një pagesë e shtyrë ka një ndikim të rëndësishëm në llogaritjen e vlerës së drejtë, do të llogaritet duke skontuar pagesat e ardhshme. Vlerësimi i arkëtimit të llogarive të arkëtueshme është i rëndësishëm për të përcaktuar nëse do të njihen ose jo të ardhurat ose shpenzimet. Si pjesë e procesit të njohjes së të ardhurave, vlerëson nëse do të rrjedhin përfitime ekonomike të lidhura me transaksionin. Nëse Dega ka pasiguri nëse do të hyjnë apo jo përfitime ekonomike, njohja e të ardhurave shtyhet dhe njihen mbi baza monetare. Megjithatë,

nëse ka pasiguri rreth mbledhjes së një shume tashmë të përfshirë në të ardhurat, shuma në lidhje me të cilën është e pamundur që të arkëtohet ajo njihet si shpenzim në zërin e kostos së mallrave të shitura.

Sipas vendimit numër 24 të Komisionit Kombëtar Rregullator të Ujit , datë 26.02.2013 “ Për një shfuqizim në vendimin e KKR” dhe nr. 29, datë 28.09.2011 “ për përcaktimin e llogaritjes së sasisë së ujave të ndotura “, vendosi që sasisë e ujave të ndotura për çdo klient do të llogariten me 100% të sasisë së ujit të konsumuar.

SNRF 15 “Të ardhurat nga Kontratat me Klientët “

SNRF 15 paraqet kërkesat e reja për njohjen e të ardhurave , duke zëvendësuar SNK 18 “ Të ardhurat “,SNK11”Kontratat e ndërtimit “, dhe disa Interpretimet të tjera në lidhje me të ardhurat .Standarti i ri krijon një model për njohjen e të ardhurave të bazuar në kontroll dhe jep udhëzime shtesë në shumë fusha që nuk mbulohen në detaje nga SNRF-të ekzistuese , duke përfshirë se si të trajtohen marrëveshjet me detyrimet e shumta të performancës , çmimet ndryshueshme , të drejtat e rimbursimit të klientëve ,opsionin për riblerje nga furnizuesi dhe të tjera kompleksitete të zakonshme.

ii) Të ardhurat nga interesi

Të ardhurat nga interesi njihen në proporcion me kohën duke u bazuar në metodën e interesit efektiv. Kur një llogari e arkëtushme është vështirë për t’u arkëtuar, Dega zvogëlon vlerën e mbartur deri në vlerën e rikuperueshme, duke konsideruar që flukset e ardhshëm të parashikuara të skontuar me normën origjinale të interesit efektiv të instrumentit, dhe vazhdon të pakësojë zbritjen duke njohur të ardhurat nga interesi. Të ardhurat nga interesi në rastin e huave të cilat kanë rënie të vlerës njihen duke përdorur normën efektive origjinale të interesit.

iii) Të ardhurat nga Grantet

Qeveria e Shqipërisë ose/dhe Organizma Ndërkombëtare ofrojnë Grante shoqërisë në lidhje me realizimin e investimeve në infrastrukturën e rrjeteve. Fillimisht Granti njihet si detyrim në Pozicionin Financiar ndërkajq që shuma e Grantit ,n njihet në të ardhurat me realizimin e investimit ose shpenzimeve për realizimin e tyre. Gjithashtu Bashkitë dhe Komunat mund të japin grante për kompensimin e çmimit të ujit apo shërbimeve të rregulluara , në këto raste të ardhurat njihen në proporcion me sasinë e ujit apo shërbimeve të rregulluara që konsumohen. Në rastin kur ofrohen grante për mbulimin e shpenzimeve të UKTsha ato njihen në të ardhura , në masën e shpenzimit të realizuar.

4.7. Të ardhurat e tjera të shfrytëzimit

Të ardhurat e tjera të shfrytëzimit paraqesin të ardhurat që përfitohen jo rregullisht gjatë rrjedhës normale të veprimtarisë ekonomike duke përfshirë, fitim/humbjet nga shitja e aktiveve afatgjata materiale dhe jomateriale, fitim/humbjet nga rivlerësimet e aktiveve afatgjate dhe te ardhura nga veprimtari te tjera jooperative.

4.8. Qiratë

Qiramarrjet klasifikohen si financiare ose operative që në fillimin e qirasë. Qiratë financiare njihen si aktive dhe detyrime financiare në shkallën më të ulët të vlerës së drejtë të aktivitetit dhe vlerës aktuale të minimumit të pagesave të qirasë në datën e blerjes. Kostot financiare regjistrohen në pasqyrën e të ardhurave dhe shpenzimeve nën termin e qirasë me normat e zbatueshme të interesit mbi balancën e mbetur të detyrimeve. Pagesat e bëra për qiratë operative njihen në të ardhura ose shpenzime në mënyrë lineare gjatë afatit të qirasë. Shoqëria ka vetem qira operative.

4.9. Grantet

Grantet që lidhen me aktivitet, përfshirë grantet jo monetare me vlerë të drejtë, paraqiten ne pasqyren e pozicionit financiar duke e njohur grantin si të ardhur të shtyrë, e cila njihet si e ardhur ne Pasqyren e fitimit ose humbjes dhe te ardhurave te tjera te pergjithshme në mënyrë sistematike dhe proporcionale pergjat jetës së dobishme të aktivitetit.

4.10. Të ardhurat dhe shpenzimet financiare

Të ardhurat financiare përfshijnë të ardhura interesi nga llogaritë bankare dhe fitime nga kursi i këmbimit që njihen në pasqyrën e të ardhurave dhe shpenzimeve. Të ardhurat nga interesi njihen mbi bazën e të drejtave të konstatuara duke përdorur metodën e interesit efektiv.

Shpenzimet financiare përfshijnë shpenzime interesi mbi huamarrjet dhe humbjet nga kursi i këmbimit, ndryshimet në vlerën e drejtë të aktiveve financiare të mbajtura me vlerë të drejtë nëpërmjet llogarisë fitim/humbje dhe humbjet nga zhvlerësimi i aktiveve financiare. Kostot e huamarrjes njihen në pasqyrën e të ardhurave dhe shpenzimeve me metodën e interesit efektiv.

4.11. Tatimi mbi fitimin

Tatim fitimi njihet në pasqyrën e të ardhurave dhe shpenzimeve përveç rasteve kur lidhet me zëra që njihen direkt në kapital, rast në të cilin edhe tatimi njihet në kapital.

Tatimi aktual është tatimi i pritur për t'u paguar mbi fitimin e tatueshem të vitit, duke aplikuar normat tatimore në fuqi në datën e bilancit, si dhe çfarëdolloj rregullimi kontabël të tatimit për t'u paguar në lidhje me vitet e mëparshme. Norma e tatimit mbi fitimin për vitin 2016 është 15% (2015: 15%).

4.12. Fondet për pensione

Shoqëria paguan kontributet ndaj sigurimeve shoqërore e shëndetësore të detyrueshme, që sigurojnë përfitimet për pensione të punonjësve në përputhje me legjislacionin shqiptar. Autoritetet Fiskale janë përgjegjëse për përcaktimin e kufirit minimal ligjor të vendosur për pensionet në juridiksionin përkatës sipas një plani kontributësh pensioni të përcaktuar.

4.13. Transaksionet me palët e lidhura

Palët e lidhura përcaktohen kur një palë kontrollohet nga pala tjetër, ose ka ndikim të rëndësishëm në vendimet e biznesit apo vendimet financiare të palës tjetër. Për qëllime të paraqitjes së pasqyrave financiare, drejtimi i shoqërisë dhe manaxhimi konsiderohen si palë të lidhura.

4.14. Provizionet

Një provizion njihet nëse, si rezultat i një ngjarjeje të shkuar, Shoqëria ka një detyrim ligjor apo konstruktiv, i cili mund të vlerësohet në mënyrë të besueshme dhe do të kërkojë në të ardhmen flukse dalëse parash për shlyerjen e tij. Provizionet përcaktohen duke skontuar flukset e pritshme të ardhshme të parasë me një normë skontimi para tatimit që pasqyron vlerësimet aktuale të tregut për vlerën në kohë të parasë dhe për risqet që lidhen me detyrimin në fjalë. Provizionet rishikohen në çdo datë raportimi dhe nëse nuk ka më gjasa për daljen e ndonjë fluksi parash për shlyerjen e detyrimit, provizionet rimerren.

4.15. Aktivitetet dhe detyrimet e kushtëzuara

Detyrimet e kushtëzuara nuk njihen në pasqyrat financiare. Ato paraqiten në shënime të pasqyrave financiare për sa kohë që mundësia për një dalje të burimeve që përfshijnë përfitime ekonomike është e largët. Një aktiv i kushtëzuar nuk paraqitet në pasqyrat financiare por paraqitet në shënime për sa kohë ekziston mundësia e hyrjes së përfitimeve ekonomike. Shuma e humbjeve të kushtëzuara njihet si provizion, nëse është e mundshme që ngjarjet e ardhshme të konfirmojnë që një detyrim ka lindur në datën e pozicionit financiar dhe mund të bëhet një vlerësim i arsyeshëm i shumës së humbjes.

4.16. Krahasueshmeria e informacionit kontabel

Kur është e nevojshme, shifrat krahasuese axhustohen (rregullohen) në konform me ndryshimet në paraqitje në periudhën aktuale raportuese. Ndryshimet janë kryer për të paraqitur më mirë natyrën e biznesit të Shoqërisë. Ato aplikohen retrospektivisht.

5. Çmuarje dhe gjykime kritike të kontabilitetit

Kompania kryen supozime dhe bën vlerësime të cilat kanë ndikim në shumat e raportuara të aktiveve dhe detyrimeve brenda vitit të ardhshëm financiar. Çmuarjet dhe gjykimet vlerësohen vazhdimisht dhe bazuar në eksperiencën e kaluar dhe faktorë të tjerë, duke përfshirë edhe parashikimet e ngjarjeve të ardhshme të cilat besohet që janë të arësyeshme sipas rrethanave.

5.1 Monedha funksionale dhe raportuese

Monedha funksionale e Kompanisë është LEK. Vendosja e LEK si monedhë funksionale të Kompanisë kërkon gjykime të rëndësishme. Në marrjen e këtij gjykimi, merret në konsideratë monedha e mjedisit kryesor e ekonomik në të cilin operon. Kompania gjithashtu merr në konsideratë faktorët e mëposhtëm në përcaktimin e monedhës funksionale:

a) monedha që influencojnë kryesisht në çmimin e shitjes për të mirat dhe shërbimet (kjo është monedha në të cilën çmimet e shitjes së të mirave dhe shërbimeve të saj janë përcaktuar), dhe ku faktorë ekonomik përcaktojnë çmimet e shitjes së të mirave dhe shërbimeve.

b) monedhat që influencojnë kryesisht fuqinë puntore, materialet, dhe kosto të tjera të furnizimit të mallrave dhe shërbimeve (kjo është monedha me të cilën kosto të tilla janë përcaktuar).

5.2 Njohja e të Ardhurave

(i) Të Ardhurat nga shitja e produkteve të rregulluar

Njohja e të ardhurave për klientët të cilët janë objekt matjeje përfshin një vlerësim të vlerës së ujit të konsumuar dhe të tjera shërbime të lidhura midis datës së fundit të matjes dhe datës së fundit të periudhës ushtrimore. Në datën e bilancit kjo shumë është për tu faturuar në datën tjetër të matjes. Drejtimi mendon që perlllogaritja e konsumit për periudhën afërsisht 15 ditore për klientët paraqet besueshëm vëllimin e të ardhurave që realizohen gjatë kësaj periudhe. Megjithatë ndryshimi në këto supozime nuk do të ketë efekte materiale në raportimin e të ardhurave.

(ii) Grantet

Një numër i caktuar grantesh janë përfshirë në librat, të përfituara nga transaksione të ndryshme me donator të ndryshëm. Drejtimi analizoi destinacionin dhe dokumentacionin e këtyre granteve. Një shumë e caktuar grantesh kanë qenë dhuruar si kontribut në materiale dhe aktive. Grantet njihen si të ardhura për pjesën e amortizimit të aktiveve për të cilat janë përftuar.

5.3 Rënia në vlerë e aktiveve

i) Aktivet afatgjata, materiale dhe jomateriale dhe emri i mire

Shoqëria analizon nëse në çdo datë të raportimit financiar ka indikatore të rënies në vlerë të Aktiveve Afatgjata, materiale dhe jomateriale sipas kërkesave të SKK 36 Rënia në vlerë e asetëve. Si rrjedhojë e kësaj politike Aktivet Afatgjata Materiale dhe jo Materiale janë testuar për vlerën e tyre më 31 Dhjetor 2016. Ky testim u krye në kuadër të vlerësimit me vlerën e drejtë të Aktiveve Afatgjata Materiale dhe si rezultat u vu re një rënie në vlerë e emrit të mirë të krijuar në momentin e blerjes së Hec Lanabregas sipas pasqyrimit në tabelën e mëposhtme :

Shumat Ne ' 000 Leke

Pershkrimi i Llogarive	Shënime	UKTsha 16	UKTsha 15
Aktive te tjera afatgjata		717,064	956,084
Tituj te pjesmarrjes-HEC		956,084	1,216,836
Zhvleresim tituj te pjesmarrjes-HEC		-239,020	-260,752
Total		717,064	956,084

ii) Inventarët

Inventarët janë matur me më të voglën midis Kostos Historike dhe Vlerës Neto së Realizueshme. Vlera Neto e Realizueshme është çmimi i vlerësuar i shitjes gjatë aktivitetit normal të biznesit, minus kostot e çmuara të përfundimit dhe kostot e çmuara që duhen për realizimin e shitjes. Inventari dhe Prodhimi në Proqes vlerësohen me më të voglën midis kostos (duke përfshirë shpenzimet indirekte të prodhimit nëse është rasti) dhe Vlerës Neto të Realizueshme. Vlera Neto e Realizueshme është e ardhura e parashikuar nga shitja në një periudhë normale të aktivitetit minus kostot e parashikuara të shitjes.

5.4 Rënia në vlerë e Llogarive të arkëtueshme

Shoqëria llogarit zhvlerësimin për Llogaritë e Arkëtueshme dhe të arkëtueshmeve të tjera bazuar në humbjet e vlerësuar që rezultojnë nga paaftësia e klientëve për të bërë pagesat e detyrimeve të tyre. Vlerësimi është bazuar në analizën e vjetërsisë të Llogarive të Arkëtueshme dhe eksperiencën historike të nxjerrjes jashtë librave kontabël, cilësinë e klientit dhe ndryshimet në termat e pagesës së klientit kur vlerësohet saktësia e humbjes nga zhvlerësimi për Llogaritë e dyshimta. Kjo përfshin supozimet për sjelljen e ardhshme të klientit dhe mbledhjet e ardhshme të parave. Në qoftë se kushtet financiare të klientit përkeqësohen, çregjistrimet aktuale të Llogarive të Arkëtueshme ekzistuese mund të jenë më të larta sesa priten dhe mund të kalojnë nivelin e humbjeve nga zhvlerësimi të njohura deri tani. Kompania testoi Llogaritë e Arkëtueshme të saj nëse ato kanë një rënie në vlerë në përputhje me politikat e brendshme të Kompanisë të përshkruara ne Shën.3.9 pghr. 3). Nga testimi i bërë rezultoi që balanca e rezervës për renien në vlerë të Llogarive të arkëtueshme janë bërë ndryshimet si më poshtë.

Levizjet e humbjes se vleres paraqiten ne vijim:

	31 dhjetor 2016	31 dhjetor 2015
Gjendje ne Fillim	932,527	1,103,205
Shtesa		
Pakesimet	(64,625)	(170,678)
Gjendja ne Fund	867,902	932,527

Metoda e Vlerësimit

Bazuar në politikën kontabël UKT evidenton Llogaritë e Arkëtueshme për efekte të vlerësimit të vlerës së drejtë si vijon:

Vlerësuar Individualisht

UKT fillimisht vlerëson nëse ka evidencë të humbjes së vlerës në rang individual dhe që kjo evidencë është materiale në grupin e aktivitetit financiar.

Nëse UKT identifikon sa më sipër që nuk ka evidencë për humbje vlere atëhere ajo e përfshin aktivin në një klasë të aktiveve financiare me karakteristika të ngjashme të riskut të kreditit dhe i vlerëson ata kolektivisht për rënien në vlerë. Aktivet që janë vlerësuar individualisht për rënien në vlerë dhe për të cilët humbja nga rënia në vlerë është ose vazhdon të njihet nuk janë përfshirë në një vlerësim kolektiv për rënien në vlerë.

Vlerësuar Kolektivisht

Flukset e ardhshme monetare në një grup të aktiveve financiare që janë vlerësuar kolektivisht për rënien në vlerë parashikohen në bazë të eksperiencës së humbjes historike për aktivet me karakteristika të ngjashme të riskut të kreditit me ato në grup.

Në rastet kur UKT nuk ka një eksperiencë humbjeje specifike ose ka një eksperiencë të pamjaftueshme, atëherë përdor eksperiencën e shoqërive që operojnë në të njëjtin treg.

Humbjet janë rregulluar në bazë të të dhënave aktuale të vëzhguara për të reflektuar efektet e kushteve aktuale të cilat nuk kanë ndikuar periudhën në të cilën është bazuar eksperiencia e humbjes historike dhe të mënjanojë efektet e kushteve në periudhën historike që nuk ekzistojnë aktualisht.

Vlerësimet e ndryshimeve në flukset e ardhshme monetare të parashikuara reflektojnë dhe janë lidhur në mënyrë konsistente me ndryshimet e të dhënave të lidhura nga periudha në periudhë (të tilla si normat papunësisë, çmimet e pronës, çmimet e produkteve, fuqia paguese ose faktorë të tjerë që janë tregues të humbjeve të shkaktuara në grup dhe magnitudës së tyre).

Metodologjia dhe supozimet e përdorura për flukset e ardhshme të parashikuara janë rishikuar rregullisht për të zvogëluar ndonjë diferencë midis humbjes së parashikuar dhe eksperiencës së humbjes aktuale.

Vlerësimi i Lloqarive të Arkëtueshme

Bazuar në specifikën e aktivitetit të Kompanisë si duke marrë në konsideratë politikat e UKT sh.a.për vjeljen e detyrimeve të prapambetura me vështirësi arkëtimi, Sektori i Menaxhimit të Riskut, në varësi të mënyrës së matjes së konsumit të ujit dhe moshës së debisë, ka klasifikuar portofolin e debisë sipas kategorive të abonentëve në 4 klasa Risku sipas kriterëve të shpjeguara më poshtë:

Klasa 1 (rrezikshmëria 22.5 %)

- a) "Me Matje" përfshin të gjithë abonentët të cilët kanë pa shlyer deri në 12 fatura.
- b) "Pa Matje" përfshin të gjithë abonentët të cilët kanë pa shlyer deri në 6 fatura.

Klasa 2 (rrezikshmëria 42.5 %)

- c) "Me matje" përfshin të gjithë abonentët të cilët kanë pa shlyer deri në 12-18 fatura.
- d) "Pa matje" përfshin të gjithë abonentët të cilët kanë pa shlyer 6-12 fatura.

Klasa 3 (rrezikshmëria 62.5 %)

- e) "Me Matje" përfshin të gjithë abonentët të cilët kanë pa shlyer deri në 18-30 fatura.
- f) "Pa Matje" përfshin të gjithë abonentët të cilët kanë pa shlyer deri në 12-24 fatura.

Klasa 4 (rrezikshmëria 87.5 %)

- g) "Me Matje" përfshin të gjithë abonentët të cilët kanë pa shlyer mbi 30 fatura.
- h) "Pa Matje" përfshin të gjithë abonentët të cilët kanë pa shlyer mbi 24 fatura.

Sipas mënyrës së matjes për çdo kategori abonenti dhe moshës së debisë, është klasifikuar debia deri më datë 31.12.2016 sipas klasave të riskut të përcaktuara më sipër dhe në bazë të kësaj është përlogaritur vlera e provigjonimit duke marrë në konsideratë edhe vlerën e provigjonuar ne vitin 2015. Konkretisht, vlera e provigjonimit sipas klasave është specifikuar si më poshtë:

Klasa I

Kategori abonenti	Debia më datë 31.12.2016	Perqindja e provigjonimit deri 31.12.2015	Perqindja e provigjonimit sipas klasave te riskut	Shuma e provigjonit më 31.12.2016
Klasa 1 Total	228,919,042			11,318,098
Buxhetorë	41,168,813	3.7%	22.50%	342,730
Familjare	85,206,708	41.6%	22.50%	7,975,348
Familjare pa kanal.	11,861,458	63.7%	22.50%	1,700,043
Jo-Buxhetore	25,064,010	5.0%	22.50%	281,970
Privat	58,259,666	5.0%	22.50%	655,421
Privat pa kanal.	7,358,386	21.9%	22.50%	362,584

Klasa II

Kategori abonenti	Debi më datë 31.12.2016	Perqindja e provigjonimit deri 31.12.2015	Perqindja e provigjonimit sipas klasave te riskut	Shuma e provigjonit më 31.12.2016
Klasa 2 Total	59,345,301			5,716,021
Buxhetorë	3,655,382	3.7%	42.50%	57,481
Familjare	21,747,124	41.6%	42.50%	3,844,892
Familjare pa kanal.	4,388,135	63.7%	42.50%	1,187,978
Jo-Buxhutore	15,977,090	5.0%	42.50%	339,513
Privat	12,810,220	5.0%	42.50%	272,217
Privat pa kanal.	767,350	21.9%	42.50%	71,421

Klasa III

Kategori abonenti	Debia më datë 31.12.2016	Perqindja e provigjonimit deri 31.12.2015	Perqindja e provigjonimit sipas klasave te riskut	Shuma e provigjonit më 31.12.2016
Klasa 3 Total	90,048,000			16,008,970
Buxhetorë	6,571,000	3.7%	62.50%	151,954
Familjare	41,387,257	41.6%	62.50%	10,760,687
Familjare pa kanal.	9,901,161	63.7%	62.50%	3,941,900
Jo-Buxhutore	10,959,090	5.0%	62.50%	342,472
Privat	19,823,236	5.0%	62.50%	619,476
Privat pa kanal.	1,406,256	21.9%	62.50%	192,481

Klasa IV

Kategori abonenti	Debia më datë 31.12.2016	Perqindja e provigjonimit deri 31.12.2015	Perqindja e provigjonimit sipas klasave te riskut	Shuma e provigjonit më 31.12.2016
Klasa 4 Total	2,285,532,869			818,305,319
Buxhetorë	23,319,374	3.7%	87.50%	754,965
Familjare	1,503,269,452	41.6%	87.50%	547,190,080
Familjare pa kanal.	455,638,619	63.7%	87.50%	253,961,575
Jo-Buxhutore	10,908,550	5.0%	87.50%	477,249
Privat	266,131,104	5.0%	87.50%	11,643,236
Privat pa kanal.	26,265,771	21.9%	87.50%	5,033,178

Sa më sipër, vlera totale e provigjonimit sipas kategorive të abonenteve referuar vlerës së debisë deri më 31.12.2016, është:

Kategori abonenti	Debia 31.12.2016	Shuma e provigjonit deri 31.12.2016	% Provigjoni
Buxhetorë	74,714,568.70	1,307,130.35	1.75%
Familjare	1,651,610,540.64	569,771,006.52	34.50%
Familjare pa kanal.	481,789,372.61	260,791,496.22	54.13%
Jo-Buxhutore	62,908,740	1,441,203.90	2.29%
Privat	357,024,226.01	13,190,350.34	3.69%
Privat pa kanal.	35,797,763.25	5,659,665.24	15.81%
Grand TOTAL	2,663,845,211.21	852,160,852.57	31.99%

Ulja e vlerës së provigjonimit krahasuar më atë të një viti më parë, reflekton masat administrative dhe ligjore që janë ndërmarrë nga Shoqëria, si dhe të funksionimit më efikas të strukturave të saj gjatë vitit 2016.

5.5 Tatimi mbi të ardhurat

Kompania është subjekt i tatimit mbi të ardhurat. Në përcaktimin e provizioneve të tatimit mbi të ardhurat janë të nevojshme çmuarjet. Ekzistojnë shumë transaksione dhe llogaritje për të cilat përcaktimi përfundimtar i tatimit është i pasigurtë gjatë veprimtarisë normale të biznesit. Kompania njuh detyrimet për vlerësimet e organeve tatimore bazuar në vlerësimet nëse tatime të tjera shtesë do të lindin si detyrime. Nëse më pas ka diferencë midis detyrimit faktik dhe atij të regjistruar atëherë këto diferenca do të ndikojnë në tatimin mbi të ardhurat dhe provizionet për tatime në periudhën në të cilën është kryer ky krahasim.